



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

২৬ মে ২০০৫

ভারতে এডস মোকাবিলায় শিল্প-বাণিজ্য মহলের সহায়তা চাইলেন মার্কিন দৃত

নয়াদিলি— “ভারতে এইচআইভি/এডসের বিরণক্ষে সংগ্রামকে আরও জোরদার করে তুলতে বেসরকারি সংস্থাগুলির প্রতি আর্জি জানানোর জন্যই আজ আমি এখানে এসেছি।” মার্কিন দৃতাবাসের চার্জ দি অ্যাফেয়ার্স রবার্ট ও বেক বৃহস্পতিবার এখানে জাতীয় এইচআইভি/এডস সম্মেলনের উদ্বোধন করে এই মন্তব্য করেন। এই সম্মেলনের অন্যতম লক্ষ্য হল, ভারতে এই রোগের বাড়বাড়ত রূপতে প্রতিরোধ কর্মসূচীতে শিল্প-বাণিজ্য সংস্থাগুলিকেও বড়সড় ভাবে শামিল করা। সমবেত ভাবে এর আয়োজন করেছে কনফেডারেশন অব ইন্ডিয়ান ইন্ডাস্ট্রি (সিআইআই), ইন্ডিয়া বিজনেস ট্রাস্ট ফর এইচআইভি/এডস এবং জাতীয় এডস নিয়ন্ত্রণ সংগঠন (ন্যাকো)। বিভিন্ন শিল্প-সংস্থা ও বাণিজ্য প্রতিষ্ঠান তাদের কর্মীদের এই রোগের প্রকোপ থেকে রক্ষা করতে কিভাবে এগিয়ে আসতে পারে তা নিয়ে যেমন আলোচনা হবে তেমনি সার্বিক ভাবে এডসের বিরণক্ষে আরও ব্যাপক জাতীয় কর্মসূচী গড়ে তোলার প্রতি উৎসাহ জোগানোও হবে উদ্দেশ্য। বেক বলেন, “বিশ্ব শক্তি হিসাবে আত্মপ্রকাশে ভারতের উচ্চাকাঞ্চার পথে সম্ভবত দেশের এইচআইভি সংক্রমণের ক্রমবর্ধমান হারের চাইতে বড় বিপদ আর নেই।” প্রসঙ্গত তিনি ২০০৪ সালের ডিসেম্বরে মার্কিন দৃতাবাসে চালু হওয়া এইচআইভি/এডস কর্মসূল নীতির কথা উল্লেখ করেন। বেক সমবেত সকলকে আর্জি জানান যাতে তাঁরাও অনুরূপ নীতি প্রবর্তন করেন এবং সংগঠনের কর্মীদের জন্য প্রয়োজনীয় প্রশিক্ষণের ব্যবস্থা করেন।
